

Anochinan di poesia na Cuba's Cookin conociendo hopi cara nobo



ORANJESTAD – Recientemente a tuma lugá e anochi di poesia cu ta wordo organisa tur luna na Cuba's Cookin den e renaissance marketplace.

E organisado Maria Silva ta conta Bon Dia Aruba cu e biha aki, e lugá tabata completamente yen y cu tabata tin hopi cara nobo cu a presenta.

E anochi aki, a wordo organisa pa e poeta Leonardo Phillips kende Bon Dia Aruba a yega di entrevista den pasado. El a expresa cu e tabata un experiencia hopi agradable pa su persona aunke cu e tabata sinti un poco nervio pasobra e no kier a desapunta ningun di esunnan presente. Usualmente e persona cu ta organisa e anochi mester en-

carga pa tur e poetanan subi escenario y tambe entretene e público entre presentacionnan. Silva ta bisa cu e biha aki, hopi hende cu nunca a yega di bin anochi di poesia a bin. Y poesianan a wordo declama den Papiamentu, Spaño y te hasta Hulandes. Tambe e biha aki, e poemanan a wordo graba cu video pues ta spera cu pronto lo por

cuminsa documenta tur e poemanan di tur e hobennan cu ta bin comparti e arte di skirbi cu otro.

Mas cu 15 aña

Manera Bon Dia Aruba a yega di publica caba, Maria Silva ken ta e organisado di anochi poetico a conta cu nan cuminsa 15 aña pasa y antes nan tabata wordo ma-

sha poco atendi, pero nunca nan a para pasobra semper el a pensa cu algun dia mas hende lo bin. Cu tempo e anochi di poesia na Cuba's Cookin a bira popular entre hobennan, y nan a cuminsa bisa otro pa declama. No tur ora e anochi di poesia ta mesun cos, tin anochinan cu e tema di poesianan cu ta wordo declama ta mas vulnerabel cu otro. □